

Morning Dogri (NSD) National News Bulletin 30-01-2025

आकाशवाणी

- संसद दे बजट सत्र सोयां पैहले सरकार नै नमी दिल्ली च सर्वदलीय बैठक सद्दी ऐ।
- उत्तर प्रदेश दे प्रमुख सचिव ते पुलिस महानिदेशक प्रयागराज च संगम पर होई दी भगदड़ आहली घटना मगरा महाकुम्भ च सुरक्षा व्यवस्थाएं दी समीक्षा आस्तै प्रयागराज जा'रदे न।
- सरकार नै 34 हजार करोड़ रपे सोयां मते दे खर्च कन्नै राष्ट्रीय महत्वपूर्ण खनिज मिशन गी मंजूरी देई दिती ऐ।
- वक्फ (संशोधन) विधेयक, 2024 पर संसद दी सांझी समिति नै मसौदा रिपोर्ट गी स्वीकार करी लैता ऐ।
- 70 मित्बरें आहली दिल्ली विधानसभा आस्तै चुना प्रचार होर बी तेज होई गेआ ऐ।
- भारत दे डोम्म –राजू गुकेश नै नीदरलैंड्स दे विज्का आन जी च 2025 टाटा स्टील शतरंज टूर्नामेंट च जित्त दा अपना जलवा जारी रखेआ ऐ।

<><><><><><>

All Party Meet

संसद दे बजट सत्र सोयां पैहले सरकार नै नमी दिल्ली च सर्वदलीय बैठक सद्दी ऐ। इस दौरान, सरकार सदन दे नेताएं कननै चर्चा करोग ते सत्र दे सुचारू संचालन आस्तै पार्टियों दा सहयोग मंगौग। बजट सत्र 31 जनवरी गी संसद दे दौनें सदनें दी सांझी बैठक च राष्ट्रपति द्रौपदी मुर्मू हुन्दे संबोधन कन्नै शुरू होग। उस दिन, केंद्रीय वित्त मंत्री निर्मला सीतारमण आर्थिक सर्वेक्षण पेश करडन। वित्त मंत्री शनिवारें केंद्रीय बजट-2025-26 पेश करडन। लोकसभा ते राज्यसभा च सोमवारें राष्ट्रपति हुन्दे अभिभाषण पर धन्नबाद प्रस्ताव पर चर्चा होग। बजट सत्र दा पैहला चरण शुक्रवार सोयां शुरू होईऐ 13 फरवरी तक चलोग ते सत्र दा दुआ चरण 10 मार्च सोयां 4 अप्रैल 2025 तक चलोग।

<><><><><><>

Mahakumbh

उत्तर प्रदेश दे प्रमुख सचिव ते पुलिस महानिदेशक प्रयागराज च संगम पर होई दी भगदड़ आहली घटना मगरा महाकुम्भर च सुरक्षा व्यवस्थादएं दी समीक्षा आस्तै प्रयागराज जाडन। कल भगदड़ दी घटना च 30 श्रद्धालुएं दी मौत होई गई ही 60 लोक घायल होई गे हे। घायलें दा मुकामी अस्पतालें च इलाज चला'रदा ऐ। साहडे संवाददाता नै दस्सेआ ऐ जे मेला क्षेत्र च सुरक्षा व्यवस्था निगगर करी दित्ती गई ऐ।

<><><><><><>

Mahakumbh President

राष्ट्रपति द्रौपदी मुर्मू होरें आखेआ ऐ जे प्रयागराजमहाकुंभ च भगदड़ आली घटना मती दुखद ऐ। इक सोशल मीडिया पोस्ट च राष्ट्रपति होरें जान मुहाने आले श्रद्धालुएं दे परोआरें कन्नै अपनी संवेदना जाहर कीती ऐ। उनें घायल होए दे श्रद्धालुएं दे तोले नरोए होने दी बी करमना कीती ऐ। प्रधानमंत्री नरेन्द्र मोदी होरें बी महाकुंभ च होए दे इस हादसे च अपनी जान मुआले आले लोकें दे परोआरें कन्नै अपनी संवेदना प्रकट कीतियां न। केन्द्रीय गृहमंत्री अमित शाह होरें बी आखेआ ऐ जे उनेंगी बी इस हादसे पर बड़ा बसोस ऐ। इक सोशल मीडिया पोस्ट च शाह होरें बी इस हादसे च अपनी जाने मुआले ते उंदे परोआरें आलें प्रति संवेदना जाहर कीती ऐ। उनें दस्सेआ ऐ जे मकामी अस्पतालें च घायलें दा इलाज चला'रदा ऐ। इस घटना मगरा पत्रकारें गी संबोधत करदे होई मुख्मन्त्री योगी आदित्यनाथ होरें आखेआ ऐ जे प्रधानमंत्री होरें उंदे कन्नै मते बारी गल्लबात करियै इस बारे पुच्छ-गिच्छ कीती। उनें दस्सेआ जे कल चिरे रातीं कोई 1 बजे शा 2 बजे दे बश्कार अखड़ा मार्ग पर बैरिकेड पार करदे होई किश श्रद्धालु गंभीर तौर पर जख्मी होई गे।

<><><><><><>

Mahakumbh-Holy Dip

प्रयागराज च मौनी अमावस्या दे मौके पर अजें तगर 7 करोड़ शा मते श्रद्धालु संगम च पवित्र डुबकी लाई ऐ। साढ़े आकाशवाण दे संवाददाता नै जानकारी दित्ती ऐ जे लक्खां श्रद्धालु अजें बी त्रिवेणी संगम च पवित्र डुबकी लाने आस्तै आवा करदे न। पवित्र डुबकी लाने दे मगरा श्रद्धालु घाट पर विधि-विधान कन्नै पूजा अर्चना कीती। संगम घाट उप्पर घटना दे मगरा सुरक्षा च बाक्का कीता गेआ ऐ। मेले आले इलाकें च रैपिड एक्शन फोर्स तैनात कीती गई ऐ। सुरक्षाबले सीसीटीवी ते ड्रोन दे जरियै पूरी निगरानी करा करदे न।

महाकुंभ मेला 13 जनवरी गी शुरू होआ हा ते अजें तगर 26 करोड़ थमां बद्ध श्रद्धालु पवित्र स्नान करी चुके दे न।

<><><><><><>

NCMM

सरकार नै 34 हजार करोड़ रपे सोयां मते दे खर्च कन्नै राष्ट्रीय महत्वपूर्ण खनिज मिशन गी मंजूरी देई दित्ती ऐ। हरित प्रौद्योगिकियें गी प्रोत्साहन देने आस्तै लोडचदे महत्वपूर्ण खनिज संसाधनं आस्तै इक लचीली मूल्य श्रृंखला बनाने दा फैसला लैता गेआ ऐ। नमी दिल्ली च पत्रकारें गी संबोधित करदे होई सूचना ते प्रसारण मंत्री अश्विनी वैष्णव होरें आक्खेआ जे अर्थव्यवस्था-विकास आस्तै महत्वपूर्ण खनिज बडे कम्मै दे न।

<><><><><><>

PM-ISRO

प्रधानमंत्री नरेंद्र मोदी होरें भारतीय अंतरिक्ष अनुसंधान संगठन-इसरो गी ऐतिहासिक 100में प्रक्षेपण पर बधाई दित्ती ऐ। इक सोशल मीडिया पोस्ट च मोदी होरें आक्खेआ जे एह अविश्वसनीय उपलब्धि देशै दे साईसदानें ते इंजीनियरें दी दूरदर्शिता, समर्पण ते प्रतिबद्धता गी दर्शान्दी ऐ। उने आक्खेआ जे निजी क्षेत्र दे कन्नै मिलियै कम्म करने कन्नै देशै दी अंतरिक्ष यात्रा नमी ऊंचाइयें गी छूह्दी रौहग। विज्ञान ते प्रौद्योगिकी मंत्री डॉ. जितेन्द्र सिंह होरें श्रीहरिकोटा सोयां इसरो आस्सेआ जीएसएलवी-एफ15 दे 100में प्रक्षेपण गी देशै दी अंतरिक्ष यात्रा च इक महत्वपूर्ण उपलब्धि दस्सेआ। मीडिया कन्नै गल्ल करदे होई डॉ. सिंह होरें इस गल्ला पर जोर पाया जे देश दे अंतरिक्ष क्षेत्र च बुनियादी ढांचे ते निवेश दौनें च अभूतपूर्व विस्तार होआ ऐ। इस मौके पर उनें देशै दे अंतरिक्ष क्षेत्र दी नीह रखने च विक्रम साराभाई ते सतीश धवन जनेह् अग्रदूतें दे योगदान दी सराहना कीती। डॉ. सिंह होरें आक्खेआ जे 90 प्रतिशत विदेशी उपग्रह प्रक्षेपण इसरो दे माध्यम राएं कीते जा'रदे न।

<><><><><><>

Gandhi-Sarva-Dharma Prayer

राष्ट्रपिता महात्मा गांधी हुंदी अज्ज 77मीं पुण्यतिथि ऐ। इस मौके पर राष्ट्र अज्ज महात्मा गांधी होरें गी श्रद्धांजलि भेंट करा'रदा ऐ।

एह दिन शहीद दिवस दे तौर पर बी मनाया जन्दा ऐ। नमीं दिल्ली दे राजघाट स्थित गांधीजी हुन्दी समाधि पर अज्ज सर्वधर्म प्रार्थना आयोजित कीती जा'रदी ऐ। राष्ट्र हर ब'रे 30 जनवरी गी महात्मा गांधी हुन्दे जीवन ते विरासत गी चेता करदा ऐ। गांधी जी होर आजादी आस्तै भारतीय संघर्ष दे प्रेरणास्रोत हे।

<><><><><><>

JPC

वक्फ (संशोधन) विधेयक, 2024 पर संसद दी सांझी समिति नै मसौदा रिपोर्ट गी मन्नी लैता ऐ। नमीं दिल्ली च मीडिया कन्नै गल्ल करदे होई 31 सदस्यीय पैनल दे अध्यक्ष जगदंबिका पाल होरें आक्खेआ जे समिति नै विधेयक कन्नै सरबंधित 14 खंडें पर संशोधन गी स्वीकार कीता ऐ। उने आक्खेआ जे समिति दी रिपोर्ट लोकसभा अध्यक्ष ओम बिरला होरें गी सौंपी जाग। उने इस गल्ला पर जोर दिता जे पिच्छले 6 महीनैं च विधेयक पर व्यापक विचार-विमर्श होआ ऐ। वक्फ संशोधन विधेयक, 2024 दा मकसद मुल्ख भरै च वक्फ संपत्तियें दे प्रबंधन ते विनियमन च सुधार करना ऐ।

<><><><><><>

Delhi Election

दिल्ली विधानसभा चुनाएं दी तरीक नेड़े ओने दे कन्नै गै राजनीतिक हलचल बघदी जा'रदी ऐ। प्रधानमंत्री ते बीजेपी दे वरिष्ठ नेता नरेन्द्र मोदी होरें आम आदमी पार्टी पर झूठ फलाने ते दिल्ली दे लोकें कन्नै झूठे वायदे करने दा आरोप लाया ऐ। उनें आक्खेआ जे दिल्ली दियां समस्यां उआं गै हैंन, कीजे कांग्रेस ते आप दौनें पार्टियें अपने कार्यकाल च दिल्ली दे विकास लेई किश नेई कीता। दिल्ली दे बवाना इलाके च इक चुनावी रैली गी संबोधत करदे होई कांग्रेस नेता राहुल गांधी नै बी आम आदमी पार्टी ते बीजेपी पर झूठे वायदे करने दा इल्जाम लाया ऐ। उनें इल्जाम लाया ऐ जे दिल्ली दे साबका मुख्यमंत्री अरविंद केजरीवाल आरक्षण दे बरोध च न ते दलितें, पिच्छड़े, गरीबें ते अल्पसंख्यकें दे खलाफ न।

दिल्ली दी बादली विधानसभा इलाके च इक चुनावी रैली गी संबोधत करदे होई आम आदमी पार्टी दे राष्ट्रीय संयोजक अरविंद केजरीवाल नै अपनी सरकार आस्सेआ कहते गेदे कम्में दी जानकारी दित्ती ते आखेआ जे उंदी पार्टी सत्ता च औंदी ऐ तां लोकें दे पानी दे बिल माफ करी दित्ते जांगन।

<><><><><><>

Chess

भारत दे डोम्मत—राजू गुकेश नै नीदरलैंड्स दे विज्की आन जी च 2025 टाटा स्टील शतरंज टूर्नामेंट च जित्त दा अपना जलवा जारी रखेआ ऐ। उने मास्टर्स कैटेगरी च अपनी बढ़त बनाई रखदे होई कल रातीं नीदरलैंड्स दे ग्रैंड मास्टर मैक्सई वारमेरडम गी खेड दे दसमें दौर च हराई दिता। सबने थमां घट्ट उमरी दे विश्व शतरंज चैंपियन बनने मगरा गुकेश दा एह पैहला टूर्नामेंट ऐ।

<><><><><><>

Beating Retreat

76में गणतंत्र दिवस समारोह दे समापन समारोह दे मौके पर कल संजा नमीं दिल्ली दे ऐतिहासिक विजय चौक पर भव्य बीटिंग रिट्रीट समारोह आयोजित कीता गया। त्रौणें सेनाएं ते केंद्रीय पुलिस बलें दे बैंडें दी मन मोई लैने आहिलएं प्रस्तुतियें अपनी मधुर धुनें कन्नै लोकें गी मंत्रमुग्ध करी दित्ता। राष्ट्रपति द्रौपदी मुर्मू, उपराष्ट्रपति जगदीप धनखड़, प्रधानमंत्री नरेन्द्र मोदी, रक्षा मंत्री राजनाथ सिंह ते होर दुए केंद्रीय मंत्री इस समारोह च मौजूद हे। साहडे संवाददाता नै दस्सेआ ऐ जे संगीत बैंडें दर्शकें दे सामने कुल 30 मन मोई लैनै आहिलयां धुनां बजाईयां। जिनें गी उत्थे मौजूद सबन्नें लोकें बडा मता सराहेआ।

<><><><><><>

US-Lawmakers

अमेरिकी डेमोक्रेटिक सांसद रो खन्ना ते रिपब्लिकन सांसद रिच मैककॉर्मिक अमेरिकी प्रतिनिधि सभा च 'इंडिया कॉकस' दी सह—अध्यक्षता करडन।

माइक वाल्ज़ गी राष्ट्रपति डोनाल्ड ट्रम्प हुन्दा राष्ट्रीय सुरक्षा सलाहकार बनाए जाने मगरा रिच मैककॉर्मिक गी प्रतिनिधि सभा च इंडिया कॉकस दी सह-अध्यक्षता दी जिम्मेदारी सौंपी गई ऐ।

<><><><><><>

IMD

मौसम विभाग नै अगले त्रै थ्वा 4 दिनें दौरान जम्मू-कश्मीर, लद्दाख, गिलगित, बाल्टिस्तान, मुजफ्फराबाद च हल्की सोयां दरमेयानें दर्जे दी बरखा ते बर्फबारी होने दी पेशगोई कीती ऐ। शनिवार तक़र हिमाचल प्रदेश ते उत्तराखंड च बी ऐसी गै स्थिति रौहने दी संभावना ऐ। मौसम विभाग नै दस्सेआ ऐ जे अगले 5 दिनें दौरान पंजाब, हरियाणा, उत्तर प्रदेश, राजस्थान, विदर्भ, मध्य प्रदेश ते छत्तीसगढ़ च हल्की सोयां दरमेयानें दर्जे दी बरखा होई सकदी ऐ। मौसम विभाग नै एह भी दस्सेआ ऐ जे उत्तर प्रदेश, पश्चिम बंगाल, तटीय ओडिशा, उप-हिमालयी पश्चिम बंगाल ते सिक्किम दे किश हिस्सें च पैहली फरवरी तक़र राती लै कोहरे दी स्थिति बनी सकदी ऐ। इस दौरान दिल्ली ते राष्ट्रीय राजधानी क्षेत्र दे किश हिस्सें च अज्ज बडलै हल्का कोहरा दिखेआ गया।

<><><><><><>